

# Powšitkowne WOZJEWJENJA

njedźelu, 5. meje 2024

## Duchowna hudźba

Dalši nyšpor w rjedže duchowneje hudźby w Budyskej tachantskej cyrkwi budže tutu njedźelu, 5. meje, we 18.00 hodź. Pod heslom „Słowa kaž hudźba: Džak za žiwjenje“ wuhotuje nutrnosť z Baćonja pochodźacy organist Tomaš Žur zhromadnje ze swojeje mandźelskej Roswithu. Wšitcy zajimcy su wutrobnje přeprašeni.

## Wohnjowi wobornicy do Różanta

Džakna Boža mša wohnjowych wobornikow ze Zarjadniskeho zwjazka „Při Klóšterskej wodže“ kaž tež susodnych woborow na česć swjateho Floriana budže pjatk, 10. meje, w 19.00 hodź. w hnadownej cyrkwi w Róžeńće. Wšitcy wobornicy kaž tež hosćo su přeprašeni.

## Putnikowanje staršich a chorych ludźi do Różanta

Putnikowanje staršich a chorych ludźi ze serbskich wosadow do Różanta budže sobotu, 11. meje. Boža mša zahaji so w 14.00 hodź. Na njej wudźěla tym, kotřiž sej to přeja, žalbowanje chorych. Wot 13.30 hodź. modla so tam swjaty różowc.

## Putnikowanje do Hejnic

Wěriwi z Němskeje, Pólskeje a Českeje su sobotu, 11. meje, na putnikowanje wujednjenja do českich Hejnic přeprašeni, wuraznje tež Serbja. Boža mša w hnadownej cyrkwi zahaji so w 10.30 hodź. Hłowny celebrant budže Eichstättski biskop a benediktin Gregor Maria Hanke.

## Wulět samostejacych

Wulět samostejacych ze serbskich wosadow budže wutoru, 4. junija, a powjedže do srjedźneje Łužicy. Wšitcy su wutrobnje přeprašeni, tež ći, kotřiž njesu samostejacy. Zajimcy měli so w redakciji Katolskeho Posoła, telefonowe čisło (0 35 91) 55 0212 přizjewić.

## Dalekublanje na polu prewencije před seksualizowanej namocu

Prewencija přećiwu seksualizowanej namocy je wažny wobstatk džěła z džěćimi a młodžinu we wosadach. Jeje zaměr je, nowu kulturu wjazomnje zhromadnosće wuwijać. Za to trěbne su prewentiwne struktury a procesy. We Worklečanskim Don Boskowym domje poskića k tomu dalekublanja, a to na třoch terminach: pjatk, 24. meje, wot 18.00 do 21.00 hodź. kaž tež po pónđzelomaj, 3. a 10. junija, tohorunja stajnje wot 18.00 do 21.00 hodź. Z terminow móža sej zajimcy jedyn wuzwolić. Wšitcy přewodnicy ministrantow na lětušim putnikowanju do Roma kaž tež pomocnicy na nabožnych prózdniških dnjach we wosadach, ale tež dalši čestnohamtscy, na přikład w sakristiji, při wudźělenju swjateho woprawjenja abo ze šolu, abo ći, kotřiž z džěćimi a młodostnymi we wosadach džěłaja, su cyle wutrobnje přeprašeni. Přizjewjenja přijimuju online. Link k tomu kaž tež k dalšim wažnym informacijam je pod [www.posol.de](http://www.posol.de) wozjewjeny. Ličba wobdźělnikow za dalekublanje je přeco na 20 wobmjezowana.

## **Gig-festiwal w Różeńce**

Lětuši Gig-festiwal je wot pjatka do njedžele, 5. do 7. julija, w Różeńce planowany. Program kaž tež přehlad wobdźělnikow stej na internetowej stronje festiwala wozjewjenej. Link na nju je pod [www.posol.de](http://www.posol.de) podaty.

## **Pytaja projektowego sobudźelačerja**

Sakski katolski zwjazk za kubłanje dorosćenych (KEBS) pyta ručež móžno wosobu, kotraž by so wo projekt „Synergetiski transfery rum Łužica“ (SynTraL) starała. Zwjazkowe ministerstwo za kubłanje a slědženje projekt spěchuje. Hač do 30. apryla 2027 wobmjezowane džělowe městno je w Smochčanskim kubłanišću swjateho Bena. Štóž ma zajim, měł so pola Sebastiana Kieslicha přizjewić, telefonowe čisło (03 59 35) 2 23 13, mailowa adresa [Sebastian.kieslich@bg-schmochtitz.de](mailto:Sebastian.kieslich@bg-schmochtitz.de). Wobšěrne wopisanje džěloweho městna je pod [www.posol.de](http://www.posol.de) wozjewjene.

## **Za přichodny kurs JuLeiCa so hižo nětkole přizjewić**

Přeni džěl přichodneho wukubłanja JuLeiCa poskići Worklečanske dekanatne dušepastyrstwo za młodžinu wot pjatka do njedžele, 17. do 19. januara 2025, druhi wot 25. do 27. apryla 2025 w Smochčanskim kubłanišću swjateho Bena – stajnje z přenocowanjom a połnym zastaranjom. Zajimcy maja dopokazać, zo su so na kursu přenjeje pomocy wobdźělili. We Worklečanskim Don Boskowym domje sobotu, 15. měrca 2025, wotpowědny kurs přewjedu. Za wobdźělnikow kursa JuLeiCa je wón darmotny. Certifikat słuži tež jako dopokaz za jězbnu šulu. Přizjewjenja přijimaja online. Link na wotpowědnu stronu je pod [www.posol.de](http://www.posol.de) podaty.

## **Bibliska wustajeńca**

Dožiwjenska wustajeńca wo bibliji je hišće hač do soboty, 11. meje, we Wósporskim Třělcowskim domje přistupna. Pod heslom „Qumran, Luther a biblija: Wot klinoweho pisma k nanobibliji, Jezajowa róla a mnoho dalšeho. Najwjětša mobilna bibliska wustajeńca Europy“ pokazuja w přehladce mjez druhim wosebite wudaća Swjateho pisma kaž tež zajimawostki k jeje stawiznam. Wustajeńca je wšědnje wot 14.00 do 18.00 hodź. wotewrjena, njedželu hižo wot 11.00 hodź. Link k nadrobnišim informacijam je pod [www.posol.de](http://www.posol.de) podaty.

## **Črije pjelsćować**

Na džělarničce k pjelsćowanju črijow su wšitcy zajimcy do Smochčanskeho kubłanišća swjateho Bena přeprošeni. Kurs za započatkarjow budže wot štwórtka, 30. meje, do njedžele, 2. junija, dalši za pokročonych pak wot štwórtka do njedžele, 20. do 23. junija. Přizjewjenja přijimaja hač do póndžele, 6. meje. Link je pod [www.posol.de](http://www.posol.de) podaty.

## **Wo zelach a rostlinach**

Smochčanske kubłanišće swjateho Bena přeprošuje wšitkich zajimcow na seminar pod heslom „Mocy rostlinow – džiwje zela, hojenske rostliny a drohotne esency“. Tón budže wot pjatka do njedžele, 7. do 9. junija. Přizjewjenja přijimaja hač do pjatka, 17. meje. Link je pod [www.posol.de](http://www.posol.de) wozjewjeny.